

tur Constantinopolim ad aulam Imperatoris Justiniani, ibiq; suis largitionibus & corruptelis hoc efficiunt apud bonum illum, & ut quidam volunt, alphabetum Principem, qui totus pendeat ab uxore sua Theodora imperiosa, & impotentis animi fœmina, & à Triboniano homine avarissimo, quem abbi testatur *Suidas in verbo, Tribonianus*, leges fixisse pretio, ac refixisse. Efficiunt, inquam, ut jus novum conderet, quo lanciretur, ut posthac Ecclesiis non 30. vel 40. annorum, sed centum, præscriptio obstaret. Confer omninò *Cunr. Rittersh. in expos. method. Novell. Iustin. Imp. part. 11. c. 1. per tot. præsertim num. 12.* Plura trado *disc. Acad. 2. concl. 34.* Memini ego nobilissæ cuidam, quod falsas obligationes in aliorum præjudicium dolosè confecerat, & sigilla falsa sculperat, capitis pœnam dictatam esse, & fictis annulis fraudem esse factam ostendit luculenter, *Iohan. Kirchman. de annulis, c. 14. p. 123.* Recordor quoq; S. Jctos pronunciasse, **Das S. S. vnd B. N. darumb / daß sie etnen falschen Bettelbrieff machen lassen / an den Pranger zu stellen / mit Ruthen außzustreichen / vnnnd darauff des Landes / biß auff kundliche Erlaubnuß / zuverweisen seyn.**

ARTICULUS CXIII.

Pœna aliorum falsariorum, qui pondere, mensurâ, mercibusq; adulterinis fallunt.

1. Qui fallendi animo pondera, mensuras aridorum, liquidorum, vel ipsas merces, aromata, & quicquid vœnum dari solet, adulterat, aut pro bonis & justis divendit, is vel in exilium mitti, vel pro falsæ magnitudine pœnæ corporali subijci, ac virgis feriri, aliòve simili modo poterit puniri. Pro falso autem iterato & magno, ubi evidens apparet dolus, consilio prudentum requisito, ultimi supplicii pœna infligi potest, *Bernhard. Zieritz. hic, verb. iterato & magno.* Nemo enim nescit mensuras & pondera usque adeò necessaria esse ad contractus, & commercia rerum, ut sine illis vix possint expediri. Quamobrem ut hæc justa & æqua sint, magnæ semper curæ legislatoribus fuit in quavis Republ. neq; minori, quàm ne monetæ adulterarentur, & cum regali rei nummarie connecti solet ratio ponderum, mensurarum, modiorum, ulnarum, ut iis scilicet certus modus præfigatur ad felicem usum commerciorum, & annonæ quoque publicæ curam rectè administrandam, ut latius trado *d. disc. Acad. 5. p. 371.* Deus ipse diris devovet eum, qui iniquis ponderibus & mensuris utitur. Vide *Paul. Laur. in Prophetam Amos, conc. 2. c. 8. p. 398. 399. Gobl. hic, in auctar. Cunrad. Rittersh. in jure Iust. part. 3. c. 15. num. 1. 2. 3. 4. & 5.* dicit, nostris moribus in falsarios ponderum & mensurarum nonnunquam fustigationem, vel certè gravissimam mulctam pecuniariam, tanquam in fures publicos, decerni solere.

2. Falsi etiam nominis vel cognominis, adseverationem pœna falsi coërceri, maximè cum fit in alterius fraudem & injuriam, tradit *Matth. Steph. d. art. 113.* Si materiam ponderum, mensurarum, merciumq; adulterinarum transgredi